



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 69. Dux Bruxellas ingressus, ac Gubernatricem invisens.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI. nignum Patrem, quam subditorum Do-  
 A.C. 1567. minum agat.

Equidem Rex his monitis expugna-  
 tus videbatur: verum cum illius in Bel-  
 gium itineris fama per Hispaniam per-  
 crebesceret, suum consilium mutare co-  
 actus pro se mittere statuit Albæ Ducem,  
 nihilominus, quod ipse in Belgium  
 iturus esset, passim spargi permittebat.

§. LXVIII.

*Albæ Dux cum exercitu in Belgium  
 missus.*

*Strada. l. c.  
 Thu. l. 41.  
 Spond. hoc  
 ann. n. 10.*

Ergo Albæ Dux triremibus, quas Jo-  
 annes Andreas Auria Regis iussu  
 advexerat, Carthagenæ conscensis die  
 decima Maji vela facit, classisque se-  
 cundis usa ventis Genuam appellit: cum  
 vero Albæ Dux febre corriperetur, una  
 cum quatuor triremibus Niciæ subsi-  
 stere coactus, postea ipsam hanc ur-  
 bem ingressus est. Conduxerat is ibi  
 quatuor recentis militiæ centurias eo  
 fine selectas, ut veteranorum militum  
 pro Belgio destinatorum præsidia novis  
 hisce tyronibus augetet.

§. LXIX.

*Dux Bruxellas ingressus, ac Guber-  
 natricem invisens.*

Postmodum Albæ Dux itinere per Sa-  
 baudiam arrepto, in Belgium con-  
 ten-

tendit, ac die vigesima secunda Augu- Sæcul. XVI.  
 sti Bruxellas pervenit, ubi mox ad Gu- A.C. 1567.  
 bernatricem invisit, quacum nonnisi per  
 breve tempus tunc colloquebatur: al-  
 tera vero die ad eandem Regis literas  
 a se ex Hispania delatas transmissit una-  
 cum transcripto diplomate mandati, in  
 quo summam armorum præfecturam  
 per univèrsùm Belgium Philippus ei-  
 dem Duci attribuebat, integra rerum  
 civilium administratione penes ejusdem  
 Regis Sororem relicta. Eadem die ad  
 illam invisendam Dux procellerat, om-  
 nemque venerationem, ac submissio-  
 nem Cæsaris Filiæ, & sui Principis So-  
 rori debitam exhibuerat, recedentibus  
 autem illis, qui eum comitabantur,  
 ampliora proferebat Regis mandata, qui-  
 bus ultra summam armorum præfectu-  
 ram, etiam illi rerum, quæ ad religio-  
 nem spectarent, cognitio attributa erat,  
 cum potestate Magistratus plectendi,  
 exauctorandi, alios suffiendi, gratiam  
 delictorum faciendi, civili aliarum re-  
 rum administratione salva penes Par-  
 mensem remanente: quoniam vero sub-  
 oriri controversia poterat super iis, quæ  
 ad bellicam rem, & religionis causam,  
 atque ad civilem administrationem  
 pertinerent, additum erat, ut arbitrium  
 ejus rei penes Albanum esset, qui, quæ  
 suæ functionis essent, & quæ ad Guber-

Sæcul. XVI  
A.C. 1567.

natricem spectarent, unus cum plena auctoritate dijudicaret. Verum de hac potestate adeo magna haud immerito querebatur Gubernatrix, indignata, quod Vir, qui tamen generis nobilitate ipsi longe inferior erat, tam ampla auctoritate decoraretur.

Ceterum Albæ Dux distributis prope Bruxellas per Brabantiam copiis edito quodam scripto ad libellum superiore anno oblatum Regis nomine respondit, revocatisque Caroli V. ac Philippi Regis de Religione, & inquisitione decretis, eorum moderandorum, ordinumque Belgii convocandorum spem omnem præcidit: insuper dein datis ad singularum provinciarum ordines fiduciariis literis, quid sibi a Rege mandatum sit, illis significabat, hortatus, ut Regi se morigeros præbeant, arma deponant, & Majorum sacra colant: præterea typis ad faciendam majorem auctoritatis sibi a Rege creditæ fidem Diploma regium excudi jussit: cum autem inter Arcana Albano Duci a Rege commissa præcipuum illud fuisset, ut suspectos Proceres in potestatem redigeret, ideo hac potestate absque ulla cunctatione utendum ratus Egmontium, & Hornanum Comites, plurimosque Nobiles, quos sub variis obtentibus Bruxellas accersebat, comprehendi jussit. Hæc  
agendi

agendi ratio Gubernatrici horum omnium insciæ summopere displicebat, hinc Machiavellum in Hispaniam ablegabat ad Regem, obsecrans, ut sibi e Belgio discedere liceret; obtenta igitur facultate, atque imminutæ suæ auctoritatis reliquiis in Albæ Ducem translatis sese ad discessum parabat.

Sæcul XVI.  
A.C. 1567.

§. LXX.

*Auspicia Regiminis sub Albæ Duce.*

Itaque Albæ Dux hac cessione potentior factus, atque ad Belgium pro summo imperio administrandum regia auctoritate firmatus, duodecim Judicum Senatum erexit, cui ipsemet præerat, ut eorum omnium, quæ præteritos tumultus concernebant, plena ibidem haberetur cognitio: equidem ab initio nonnulli Proceres Flandri, atque inter eos Arembergius, & Barlemontius saltem specietenus ad hunc Senatum vocabantur: verum hi nunquam comparuerunt, hinc Norcarmius subrogatus est.

Thu. l. 41.

u. 3.

Strada l. 6.

§. LXXI.

*Duodecim Judicum Senatus ab Albæ Duce institutus.*

Omnes hi Senatores erant aut Hispani, aut hujus Nationis studiosi, quorum nomina erant hæc: Joannes